

彰所知論序

何六

正奉大夫同知行宮院事廉復序

夫出三界者惟佛佛以大事因緣故出
現於世憫化群生此亘古不磨之善也
大元帝師洞徹三乘性行如春仁而穆穆不
可量

裕皇潛邸久知師之正傳敬詣請師教教於
躬師篤施靜志弘揚

帝緒大播宗風彰其所知造其所論究
其文理推其法義皎如日月廣於天地
蓋如來之事非聖者孰能明之總統雪
巖翁英姿間世聽授過人久侍師之法

席默譯此論見傳於世公昔與予會聞
交情相照愛同昆仲公固肯予為序予
抗塵幻海絕筆疎硯豈足發正教之光
耶公咲之曰汝何謙哉予不敢辭遂序
焉

彰所知論卷上

大元帝師登合思巴造

真淨法華寺住持德源法師撰

敬禮金剛上師
敬禮諸佛菩薩

編知見所知憐憫示羣生敬禮最上智

當演彰所知謂器情世界道法與果法
并諸無為法略攝列為五

器世界品第一

謂器世界所成之體即四大種種具生故地
堅水濕火煖風動是等大種最極微細者曰
極微塵亦名隣虛塵不能折釋彼七隣虛為

一極微彼七極微為一微塵彼七微塵為一
透金塵彼七透金塵為一透水塵彼七透水
塵為一兔毛塵彼七兔毛塵為一羊毛塵彼
七羊毛塵為一牛毛塵彼七牛毛塵為一遊
隙塵彼七遊隙塵為一蟻量彼七蟻量為一
蠶量彼七蠶量為一麥量彼七麥量為一指
節三節為一指二十四指橫布為一肘量四
肘為一弓五百弓量成一俱盧舍八俱盧舍
成一由旬此是度量世界身相成世界因由
一切有情共業所感云何成耶從空界中十
方風起互相衝擊堅密不動為妙風輪其色
青白極大堅實深十六洛又由旬廣量無數
由暖生雲名曰金藏降澍大雨依風而住謂
之底海深十一洛又二萬由旬廣十二洛又
三千四百半由旬其水搏擊上結成金如熟
乳停上凝成膜即金地輪故水輪減唯厚八
洛又餘轉成金厚三洛又二萬由旬金輪廣
量與水輪等周圍即成三倍合三十六洛又
一萬三百五十由旬其前風輪娑婆界底地
水二輪四洲界底於地輪上復澍大雨即成
大海被風鑽擊精妙品聚成妙高山中品聚
集成七金山下品聚集成輪圍山雜品聚集
成四洲等其妙高躰東銀南瑠璃西玻瓈珂
比金所成餘七唯金四洲地等雜品所成彼
輪圍山唯鐵所成其妙高量入水八萬綸縵
那比於餘山皆悉高妙名曰妙高然後次第
七金山者一踰乾陀羅山高四萬由旬二伊
沙陀羅山高二萬由旬三佉得羅柯山高一
萬由旬四修騰婆羅山高五千由旬五阿輪
割那山高二千五百由旬六毗泥怛迦那山

高千二百五十由旬七居民陀羅山高六百
二十五由旬藏論云一持髮山二持軸山
三持鬘山四持鬘山五持鬘山
六持鬘山四大洲外有輪圍山高三百一十
二由旬半彼等廣量各自與出水量同七
金山間諸龍王等遊戲之處名曰戲海八山
間七海近妙高者一踰乾陀羅海廣八萬由
旬二伊沙陀羅海廣四萬由旬三佉得羅柯
海廣二萬由旬四修騰婆羅海廣一萬由旬
五阿輪割那海廣五千由旬六毗尼怛迦那
海廣二千五百由旬七尼民陀羅海一千二
百五十由旬八功德水八山七海其相咸
方外海味鹹尼民陀羅至輪圍山二山相去
三洛又二萬二千由旬其外海水雖無有分
由妙高色東海色白南海色青西海色紅北
海色黃現是等色故稱四海是彼周邊三十
六洛又七百五十由旬外輪圍山周圍三十
六洛又二千六百二十五由旬其外海南瞻
部洲者狀若車廂狹向鐵圍三由旬半餘三
邊者各二千由旬周圍六千三由旬半有二
中洲東遮摩羅此云西婆羅摩羅西瞻
部中央摩竭陀國三世諸佛所生之處次此
向北度九黑山有大雪山名吉祥其山北
邊有香醉山是二山間有大龍王名曰無熱
所居之池曰阿耨達此云熱其狀四方面各五
十由旬周圍二百由旬池內徧滿八功德水
從此池內出四大河東疏伽河從象口中流
出銀沙共五百河流歸東海南幸渡河從牛
口中流出瑠璃沙共五百河流歸南海西縛
芻河從馬口中流出頗梨沙共五百河流
歸西海北悉怛河從獅子口流出金沙共五

百河流歸北海是彼四河從無熱池右達七
 匝隨方而流是香山北度二十由旬彼處有
 品名難陀崑崙各五十由旬周圍二百由旬
 高三由旬半又有八千小崑崙其北邊度二
 十由旬有婆羅樹王名曰善住其根入地四
 十弓量高八十弓量七重行樹羅列圍遶東
 邊度二十由旬有緩流池其狀圓相廣五十
 由旬周圍一百五十由旬又有八千小池盈
 八功德水內有蓮花葉若牛皮其莖如軸花
 若車輪味美如蜜是處又有帝釋臨戰所乘
 象王名曰善住與八千象寒四月時住金崑
 所熱四月時住善住所雨四月時住緩流池
 無熱池側有瞻部樹菓實味美其量如麩熟
 時墮水出瞻部音龍化為魚吞噉是菓殘者
 遇流成瞻部金由此樹名故號瞻部此洲向
 西有烏佃國大金剛宮持種所居金剛乘法
 從彼而傳南海之中山曰持觀音菩薩居
 止其頂聖多羅母居止山下東有五峯文殊
 菩薩居止其上有十六大國千數小國又有
 三百六十種人有七百二十種異音其外海
 東洲曰勝身狀若半月對妙高邊三百五十
 由旬餘邊六十由旬周圍六千三百五十由
 旬其洲二邊有二中洲北提訶訶云南毗提
 訶訶是彼三洲越餘洲等七多羅樹或曰
 洲人相見端嚴其身勝故名曰勝身其外海
 北洲曰鳩婁其狀四角曼媚力方相似邊各
 二千由旬周圍八千由旬其洲二邊有二中
 洲一名鳩婁其狀二高羅婆云有彼洲人
 等所有受用出如意樹臨殿七日其如意樹
 出不美音報曰當七日死或曰洲人卑舌即

割食肉鬼音故曰鳩婁是不美音其外海西
 洲曰牛貨形如滿月徑二千五百由旬周圍
 七千五百由旬有二中洲南舍拂此論北温
 恒羅曼恒哩擊此云彼洲人等多寶牛貨故
 曰牛貨洲海山等向下皆悉八萬由旬近金
 地故近瞻部洲星剎洲金洲月洲等者係
 瞻部洲餘大洲等小洲亦次上空中四萬
 由旬純淨無礙勝堅風輪從右而旋日月星
 宿空居天等依止而住 日輪者火珠所成
 徑五十一由旬周圍百五十三由旬厚六由
 旬零十八分上有金緣其上復有金銀琉璃
 玻瓈珂等秀成四角日天子等所居宮殿由
 風運行一晝一夜遶四大洲日行向北時日
 即長南行時短行南北間時晝夜停由遊處
 光即有寒暑為冬夏際北行六月南行六月
 行至中道曰日月迴星輪歷遍謂曰一歲
 月輪者水珠所成徑五十由旬周圍百五十
 由旬厚六由旬零十八分其上復有金銀瑞
 璃玻瓈珂等秀成四角月天子等所居宮殿
 是彼日月相去遠近自影增減由增一分即
 生上半十五分畢謂曰圓滿由減一分即生
 下半自影覆被十五分畢曰不圓滿由增減
 故名曰宿空由一晝夜名曰宿地如是三十
 名曰一月 諸星宿者空居天宮諸寶所成
 其狀皆圓小一牛吼中三牛吼大六牛吼周
 圍三倍係四王眾其妙高山有四層級始從
 水際向上相去十千由旬即初層級從妙高
 山傍出十六千由旬向上相去一萬由旬即
 二層級傍出八千由旬向上相去一萬由旬
 即三層級傍出四千由旬向上相去一萬由

旬即四層級傍出二千由旬彼妙高山其頂
 四角各秀一峯高四由旬半廣百二十五由
 旬周圍五百由旬有藥叉神於中止住是山
 頂上三十三天中央城曰善見純金所成高
 一由旬半面各二千五百由旬周圍萬由旬其
 城體金俱用百一雜寶嚴飾其地柔軟如堯
 羅綿是城四面有一萬六千寶柱寶梓寶椽
 寶簷四面四門又有千數闕一小門四大衢
 道有諸小衢其四門側五百天子皆服堅鎧
 守護是門城中有帝釋殿曰最勝處亦曰殊
 勝殿其狀四方高四百由旬半面各二百五
 十由旬周千由旬百一却敵一一却敵各有
 七樓一一寶樓各七小樓一一小樓各七池
 沼一一池沼各七蓮花一一花上各有七數
 童男童女奏種種樂歌舞歡娛善見城東有
 諸所乘曰象車苑高千由旬南臨戰處曰窟
 惡苑西諸行處曰相雜苑北游戲處曰歡喜
 苑縱廣同前其苑等外度二十由旬有善地
 曰象車窟惡相雜歡喜量同四苑善見東北
 有如意樹名波利闍多亦名圓生樹根深五
 十由旬高百由旬枝條傍布五十由旬能施
 欲樂下有盤石曰阿嚩囉摩麗歌色白如麩
 面各五十由旬周二百由旬善見西南諸天
 集處名善法堂周九百由旬其狀圓相是堂
 中央有帝釋座純金所成其座周圍有三十
 二輔臣之座咸皆布列三十三天向上度八
 萬由旬於空界中依風而住諸寶所成雜詩
 天宮量若妙高山頂二倍上度一億六萬由
 旬於空界中依風而住諸寶所成兜率天宮
 量如雜詩縱廣二倍上度三洛叉二萬由旬

於空界中依風而住諸寶所成化樂天宮量如堯率縱廣二倍上度六洛又四萬由旬於空界中依風而住諸寶所成他化自在天宮量同化樂縱廣二倍此即欲界上有初禪如是四洲七山妙高輪圍欲界六天并初禪等謂四洲界一數至千為小千界一小鐵圍山園遠此小千界一數至千為中千界一中鐵圍山園遠此中千界一數至千為三千大千世界一大鐵圍山園遠如是有百億數四洲界等皆悉行布鐵圍山等諸洲山間黑暗之處無有晝夜舉手無見初禪天量等四洲界二禪天量等小千界三禪天量等中千界四禪天量等三千大千世界其相去量皆倍倍增謂曰色界無色界者無別處所若有生者何處命終即彼生處任無色定故曰無色情世界品第二

謂情世界總有六種一者地獄二者餓鬼三者傍生四者人五者非天六者天此等六種名義云何謂斫壞肢骸故曰地獄飢渴所逼故曰餓鬼傍覆而行故曰傍生意多分別故名曰人摩菟沙義身及受用雖與天同微分鄙劣或由無酒故曰非天阿修羅義從梵身生遊戲娛樂或應供養故謂曰天是提婆義地獄者瞻部洲下過二萬由旬曠野四方二萬由旬純鐵所成火焰洞然有八熱獄一曰更活二曰黑繩三曰眾合四曰號叫五曰大號叫六曰炎熱七曰大炎熱八曰無間 更活獄者生彼有情先業所感執眾器仗互起冤憎迤相斫害段段墜落悶絕暫死空音更活彼等有情即便更活復相斫害彼壽量者

四天王天一生之期為一晝夜如是算數壽五百歲受是苦楚 黑繩獄者其獄卒等於有情身從頂至足拼界黑繩以火鋸鉞解所肢骸由先業力解下上生彼壽量者切利天一生之期為一晝夜如是算數壽一千歲受是苦楚 眾合獄者生彼有情以鐵鎚打或二鐵山猶如羊頭二山相合研碾摧壞二山開時復自然活又被摧壞彼壽量者離諍天一生之期為一晝夜如是算數壽二千歲受是苦楚 號叫獄者生彼有情怖熱鐵池入稠林中火焰熾盛求歲焚燒由先業力其舌縱廣千由旬量有一大牛鐵角鐵甲架鐵犁鐵火熾熾盛耕犁其舌彼壽量者堯率天一生之期為一晝夜如是算數壽四千歲受是苦楚 大號叫獄者亦與前同其苦倍增彼壽量者化樂天一生之期為一晝夜如是算數壽八千歲受是苦楚 炎熱獄者三重鐵城火焰洞徹內受苦楚彼壽量者他化自在天一生之期為一晝夜如是壽數萬六千歲受是苦楚 極炎熱獄者亦同其前其苦倍增彼壽量者等半中劫受是苦楚 無間獄者於鐵室內身一聚焰受極苦楚彼壽量者等一中劫 十六增獄者八熱獄傍面各四所一塘煨增深皆沒膝有情遊彼纒下足時皮肉與血俱爛墜餘剩其骨舉足還生平復如本 二屍糞增不淨淤泥沒有情腰於中多有穢矩吐虫紫利如針鑽皮透骨啞食其髓 三峯刃增復有三種一刀刃路謂於此中仰布刀刃以為大道有情游彼纒下足時皮肉與血俱斷碎墜舉足還生平復如本

二劍葉林謂此林樹純以鈷利劍刃為葉有情遊彼風吹葉墜斬刺肢骸骨肉零落有鳥駘狗齧掣食之 三鐵刺林名鈷摩利謂此林樹有利鐵刺長十六指有情被逼上下樹時其刺鈷利上下鏡刺是等有情血肉皮等掛染刺上唯刺劬骨有鐵嘴鳥探啄有情眼睛腦髓爭競而食刀刃路等三種雖珠而鐵仗同故一增攝 四烈河增名曰無渡福蒲極熱烈灰汁水有情入中或浮或沒或逆或順或橫或豎被蒸被煮骨肉糜爛如大鑊中滿成灰汁置稻米等猛火下燃米等於中上下迴轉舉骸糜爛有情亦然設欲逃避於兩岸上有諸獄卒手執刀鎗擲令迴無由得此河如塹前三似苑彼等名曰近邊地獄 八寒獄者一曰水疱二曰疱裂三阿吒吒阿波波五嘔喉喉六裂如薺鉢羅花七裂如蓮花八裂如大蓮花 水疱獄者生寒水間極甚嚴寒隨身生疱曰水疱獄彼壽量者摩伽陀國所有大斛八十斛麻百年除一若芝麻盡彼壽亦亦 疱裂獄者由極嚴寒其疱而裂黃水漏流彼壽量者倍前二十阿吒吒獄者由大嚴寒咬齒忍耐彼壽量者倍前二十 阿波波獄者忍寒音聲彼壽量者倍前二十 嘔喉喉獄者由寒號泣出是苦聲彼壽量者倍前二十 裂如薺鉢羅花獄者嚴寒身裂如薺鉢羅花葉彼壽量者倍前二十 裂如蓮花獄者嚴寒身裂如蓮花開彼壽量者倍前二十 裂如大蓮花獄者身裂越前如大蓮花開數多葉彼壽量者倍前二十 孤獨獄者在瞻部提曠野山間一

晝一夜受苦受樂相雜受故八熱地獄八寒地獄近邊孤獨如具名為十八地獄 餓鬼者王舍城下過五百由旬有餓鬼城名曰黃白亦云慘淡彼鬼王曰閻羅法王共三十六眷屬等居其類有四一者外障二者內障三者飲食障四者障飲食 一外障者飲食音聲亦不得聞 二內障者獲微飲食口若針竅不能得入設能入口咽如馬尾無能得過設若過咽腹若山廓不能飽滿雖滿腹中脛如草莖無能舉動受此大苦 三飲食障者見飲食時無量獄卒執諸器仗守禦無獲 四障飲食者食飲食時由業所感鐵丸銅汁瀉置口中從下流出如是四種皆是餓鬼彼壽量者人間一月為一晝夜如是算數壽五百歲即當人間一萬五千歲或居人間寒林等處食血由等皆餓鬼類 三傍生者多居河海亦如酒糟混漫而住以大食小以小食大互相驚怖由海波濤住所不定或與人天彼壽量者長如龍王壽半中劫短如蚋等壽一刹那身量無定 四人者住四大洲八中洲等及諸小洲彼壽量者如瞻部洲人初成劫時其壽無量次後漸減今六十歲次後漸減至十歲間復次漸增無有定量北鳩婁人及壽十歲東勝身人壽五百歲西牛貨人壽二百五十歲除北鳩婁餘有天橫彼等受用北鳩婁洲食自然稻衣服瓔珞出如意樹餘三洲者食穀肉等資寶受用彼等身量瞻部提人肘量八肘西牛貨人身十六肘北鳩婁人三十二肘人等面相亦如洲狀其小洲人亦如大洲身各減半故如是說 五非天者

妙高水際下過一萬一千由旬山曠廓間光明城內阿修羅王曰羅睺羅此云羅睺羅眷屬居又過一萬一千由旬是曼城內阿修羅王名曰項鬘眷屬居又過一萬一千由旬堅牢城內阿修羅王名曰妙鎮又曰大力衆眷屬居又過一萬一千由旬甚深城內阿修羅王名曰毗摩質多羅此云羅睺羅衆眷屬居常共帝釋比對闍諱城曰具金殿名奏樂如意樹王名曰怛鉢栗聚集之處名曰賢財石名善賢苑名普喜妙喜最喜甚喜善地亦名普喜妙喜最喜甚喜臨戰所乘象名無能敵遊戲所乘象名壘雪馬曰峭峙是等非天共三十三天諍須陀味及修羅女為戰諍故從山廓出身服金銀琉璃瓔珞等堅固鎧甲手執劍槊標鎗弓箭領四部軍彼阿修羅王羅睺羅項鬘妙鎮毗摩質多羅等或前三來或四皆來是時帝釋五守護衆一住戲海願樂白法龍王等衆與非天軍鬪戰令迴龍若不勝去堅首所共二守護復與修羅鬪戰又若不勝去持鬘所共三守護復與鬪戰又若不勝去恒橋所共四守護復與鬪戰又若不勝去四王所共五守護復與鬪戰四大天王率四軍衆服寶堅鎧執諸戈杖鬪戰多分四天王勝若不勝却去切利天向白帝釋曰我等守護不能迴彼阿修羅衆王應却敵如是白已天主帝釋乘善住象告三十三天衆等曰汝等應知今修羅軍至妙高頂當服堅鎧取所乘車與修羅戰說是語已彼諸天子各服寶鎧執持戈杖去衆車死取所乘車入窟惡苑轉身心惡出善見城共彼修羅相敵鬪戰

若修羅勝侵至城內若天得勝逐修羅軍至第一海鬪戰之時天與非天斷其頸腰彼等即死手足若斷復生如木若薄伽梵碎支佛轉輪聖王住世間時諸阿修羅不起諍心設若相持諸天必勝世間善增天衆亦勝世不善增阿修羅勝是故諸天護持善事 天者欲界六天色界十七無色界四欲界六天者蘇迷盧山第一層級恒憍衆居持雙山上北方曼衆居第三層級恒憍衆居持雙山上北方有城名阿那迦嚩帝多聞天王藥叉衆居如是東方城名賢上有大天王名曰持國乾闥衆居西方有城名曰衆色有大天王名曰廣目龍神衆居南方有城名曰增長有大天王名曰增長焰鬘衆居餘四層級七金山等日月星宿鐵圍輪山瞻部洲山多羅樹所四王部衆亦住止住咸屬四王是謂一部彼壽量者人五十歲為一晝夜如是壽量經五百年若其身量一俱盧舍四分之一三十三天妙高頂上天主帝釋住最勝處共非天女名曰妙安同衆天女受諸欲樂無有厭足復有臨戰所乘象王名曰善住遊戲苑中所乘象王名曰藹羅我擎此云持二象周圍各七由旬各以八千小象衆居又有馬王名迅疾風與八千馬居天主輔臣數三十三是故名曰三十三天諸天子等耽五欲樂若放逸時有大天鼓鼓聲出音警諸天曰諸行無常有漏皆苦諸法無我寂滅為樂與修羅軍鬪戰之時出除苦音警曰天願得勝願修羅敗官殿城池樹集石等如前所辨彼天壽量人間百歲為一晝夜如是算數壽一千歲其天身量半

踰閻那 焰摩天者三十三天共非天諍此
離諍故名離諍天彼天壽量人二百歲為一
晝夜如是算數壽二千歲其天身量二踰閻
那 兜率陀天者有慈氏尊紹世出世法王
之位受大法樂謂曰兜率是俱樂義人間四
百年彼天一晝夜壽四千歲身量四踰閻那

化樂天者自化受用謂曰化樂人間八百年
彼天一晝夜壽八千歲身量八踰閻那 他
化自在天者受用他化謂曰他化自在彼中
天王威德自在即是魔主人間千六百年彼
天一晝夜壽量萬六千歲身量十六踰閻那
下從無間至他化自在天謂之欲界耽着欲

樂所食段食故如是說 色界一十七天者
四靜慮攝 初禪三天者謂梵眾梵輔大梵
彼天壽量梵眾半劫梵輔一劫大梵一劫半
彼天身量次第半由旬一由旬一由旬半
二禪三天者謂少光無量光極光彼天壽量
少光二劫以上諸天八十中劫為一大劫無

量光四劫極光八劫彼天身量少光二由旬
無量光四由旬極光八由旬 三禪三天者
少善無量善廣善彼天壽量少善一十六劫
無量善三十二劫廣善六十四劫彼天身量
少善十六由旬無量善三十二由旬廣善六
十四由旬 四禪八天者無雲福生廣果三

是凡居無煩無熱善現善見色究竟五是聖
居名曰五淨居彼天壽量無雲百二十五劫
福生二百五十劫廣果五百劫無煩一千劫
無熱二千劫善現四千劫善見八千劫色究
竟一萬六千劫彼天身量無雲一百二十五
由旬福生二百五十由旬廣果五百由旬無

煩一千由旬無熱二千由旬善現四千由旬
善見八千由旬色究竟一萬六千由旬始從
梵眾至色究竟皆名色界出離欲樂非離色
故故名色界 無色界四天者無有身色亦
無處所從定分四空無邊處識無邊處無所
有處非想非非想處彼天壽量空無邊處二

萬大劫壽量識無邊處四萬大劫無所有處
六萬大劫非想非非想處八萬大劫彼等四
處謂無色界非離定色出離塵色故名無色
彼等壽量謂歲劫時其量云何時最少者名
為剎那百二十剎那為一但剎那六十但剎
那為一羅漢三十羅漢為一年休多須臾三

十年休多為一晝夜三十晝夜即為一月十
二箇月即是一年劫有六種一中劫減劫二
成劫三住劫四壞劫五空劫六大劫一中劫
者或瞻部人從無量歲漸漸減至八萬歲時
即成劫攝從八萬歲減至十歲謂中劫初復
增八萬歲減至十歲為一轉轉如是增減十

八數者為十八中劫然後十歲至八萬歲中
劫後際前後中間十八轉轉為二十中劫
二成劫者始從風輪至無間獄生一有情器
世界成經一中劫如前已說 情世界者此
三千界火壤後成從極光天天人命終生大
梵處孤生疲倦嗚呼若有同分生此界者有

何不可發如是心雖非念力極光天人有命
終者即生彼處先生之心而作是念由我食
生故世咸稱人祖大梵如次梵輔梵眾他化
自在乃至四王次第而生北鳩婁洲西牛貨
洲東勝身洲南瞻部洲次第而生時瞻部洲
人壽無量歲飲食喜樂有色意成身帶光明

騰空自在如色界天有如是類地味漸生其
味甘美色白如蜜其香馥郁時有一人稟性
耽味饕香起愛取嗜便食亦告餘人隨學取
食食段食故身光隱沒由眾業感日月便出
照耀四洲次地味隱復生地餅其味甘美色
紅如蜜競耽食之地餅復隱次林藤生競耽

食故林藤後隱有非耕種自然稻生眾共取
食此食麓故即餘滓穢根道俱出亦時諸人
隨食早晚取香稻食後時有人稟性懶墮長
取香稻儲宿為食餘亦隨學香稻隱沒隨共
分田慮防遠盡於己分田生悵護心於他分
田有懷侵奪故生爭競是時眾人議一有德

封分田主眾所許故謂曰大三末多王
王多有子相續紹王嫡子號曰光妙彼子善
帝彼子最善彼子靜齋是等謂曰成劫五王
靜齋王子名曰頂生彼子妙帝彼子近妙彼
子具妙彼子嚴妙是等謂曰五轉輪王嚴妙
王子名曰捨帝彼子捨雙彼子捨固尼彼子

固室彼子善見彼子大善見彼子除碍彼子
金色彼子具分彼子離惡彼子妙高彼子定
行彼子甚吼音彼子大甚吼音彼子能安彼
子方主彼子賢塵彼子能廣彼子大天此王
種族五千相承其最後子七千相承曰阿思
摩迦王最後子八千相承曰鳩婁王其最後

子曰具頭王有九千王其最後子名曰龍音
有一萬王其最後子恒彌留但一萬五千其
最後子名瞿曇氏此即甘蔗裔彼子相承甘
蔗王種一千一百數其最後子甘蔗種王名
曰增長即王 王有四子一名面光二名象
食三名調伏象四名嚴錫稱釋迦氏嚴錫有

子名曰嚴錫足彼子致所彼子牛屠彼子獅子頗王有四子一名淨飯二名白飯三名斛飯四名甘露飯淨飯王子即婆伽梵次名難陀白飯王二子一名帝沙^迦二名難提迦斛飯王二子一名阿尼婁歎一名跋提梨迦甘露飯王二子一名阿難一名提婆達多婆伽梵子名羅睺羅釋迦種族至斯終矣 又別種王依法興教如來滅度後二百年中印土國有王名曰無憂法王於瞻部提王即多分中結集時而為地主與隆佛後三百年瞻部西北方有王名曰割尼尸割三結集時而為地主廣興佛教梵天竺國迦濕彌羅國勒國龜茲^{音丘}捏巴辣國震旦國大理國西夏國等諸法王衆各於本國興隆佛法如來滅度後千餘年西番國中初有王曰呀乞唵贊普二十六代有王名曰拾陀朵唵思顏贊是時佛教始至後第五代有王名曰漫贊思甘普時班彌達名阿達陀譯主名曰端美三波羅譯教法修建拾陸等處精舍流傳教法後第五代有王名曰乞唵贊提贊是王召請善海大師蓮花生上師迦摩羅什羅班彌達衆成就人等共毗盧遮那羅法怛及康龍尊護等七人翻譯教法餘班彌達共詣譯主廣觀教法三種禁戒只流在國後第三代有王名曰乞唵俾巴瞻是王界廣時有積那那多并濕連但羅菩提班彌達等共思割幹吉祥積酌羅龍幢等已翻校勘未翻而翻廣其教法西番王種至今有在班彌達等翻譯譯主善知識象廣多有故教法由具

此蒙古國先福果熟生王名曰成吉思始

成吉思從北方王多音國如鐵輪王彼子名曰幹果戴時稱可罕紹帝王位疆界益前有子名曰古偉紹帝王位

成吉思皇帝次子名朶羅朶羅長子名曰蒙哥亦紹王位王弟名曰忽必烈紹帝王位降諸國土疆界廣版

佛教法依法化民佛教倍前光明熾盛帝有三子長曰真金豐足如天法寶莊嚴二曰庵各辣三曰納麻賀各具本德係嗣亦余茲是始從釋迦王種至今王種

彰所知論卷上

彰所知論卷上

校勘記

- 一 底本，影印宋續砂藏本。
- 一 一八頁上二行序者，經、清作「元正奉大夫同知行宣政院事廉復譯」。
- 一 一八頁上一九行造者，經、清作「元帝師登合思巴造」。
- 一 一八頁上末行「析釋」，南、經、清作「具釋」。
- 一 二一頁下二行第一四字「頭」，經作「脛」。
- 一 二二頁中九行「故名無色」，經作「故無名色」。
- 一 二三頁中一行「北方」，經作「比方」。
- 一 二三頁中二行「幹果戴」，經、清作「幹果戴」。

彰所知論卷下

始帝王祖三末多王是時田分互起侵盜初發偷盜被王推問言不曾偷始起妄語王法誅戮即有殺害不善法生亦時眾生造不善法命終之後即生傍生次生餓鬼漸生地獄次無間獄生一有情時成劫終如是有情行諸不善壽量漸減受用乏少閻浮提人壽八萬歲無間地獄生一有情是二同時如是情世界成十九中劫器世界成即一中劫如是成劫二十中劫閻浮提人八萬歲時始為住劫住劫亦經二十中劫至十歲時刀兵災起唯七晝夜疾疫災起七月七日飢饉災起七年七月七日多分死歿餘者相觀起希見心互相睦遠離煞害漸生善故壽量受用復增益盛至八萬歲增上之時轉輪王出依法化民下減之時婆伽梵出技濟眾生增減時間獨覺出世令諸有情而作福田住劫亦經二十中劫始壞劫初情世界壞無間獄中無有情生先生業盡即生別趣若有未盡生上地獄或別世界地獄中生無間獄空如是向上地獄漸空生餓鬼趣如是餓鬼傍生趣空人趣之中除鳩婁人餘并欲天無師法然獲初靜慮生初禪天北鳩婁人生欲界天獲初靜慮生初禪天無師法然獲二靜慮生二禪天從無間獄至梵世空如是亦經十九中劫然後四洲有七日出初不降兩藥草叢林悉皆枯槁二日出時溝池乾涸三日出時陂伽河等悉皆枯竭四日出時無熱池竭五日出時海水沒膝六日出時大海亦竭七日出時彼器世界一聚火聳從無間獄直至梵世以

火燒壞經一中劫壞劫總經二十中劫空劫亦亦如是成住壞空即八十劫總此八十名一大劫為梵眾等壽量之數 器世界壞有其三種火水風壞者亦如前說如是七次後世界復成又被水壞至二禪天從極光天即生大雲降注大雨其器世界如水化鹽銷鎔皆盡彼水自竭一水災次復七火災度七火災還有一水如是水災滿至七次復七火災後世界成被風災壞至三禪天其風之力吹散妙高何況其餘第四禪天雖無外災是等有情生與殿生壽命盡隱隱如是器情世界并成壞等咸皆說已 復次因果相續緣生法者因緣相藉而生故曰緣生緣生有二一外緣生二內緣生外緣生者成世界法如種生芽如前已說 內緣生者如有無明即有行等名順緣生如無明滅即行等滅名逆緣生順緣生者有七復次約位約遠續約連續約利那約三際約二重因果約三惑等約位者於宿生中諸煩惱分位中五蘊即名無明由無明勝故如是說已下皆以從勝為名行等諸法各具五蘊行者宿世所造善不善業位間五蘊識者於母胎中正結生時一利那位所有五蘊名色者結生識后六處生前其間五蘊名者受想行識四蘊名名色者處胎分位羯邏藍此云和合頰部曇閉尸此云健南鉢羅奢佉此云胎生等五名色六處者處母胎中從眼等生至三和合未了別境位間五蘊觸者根境識三和合未了別苦樂之因位間五蘊受者已了三受因差別相嬰兒之時至未起婬位間五蘊愛者即年

盛時能了婬慾未廣追求位間五蘊取者為得種種上妙資具周遍馳求位間五蘊有者因馳求故積集能牽當來果業位間五蘊生者由是業力從此捨命正結當有位間五蘊老死者從當來生名色至受位間五蘊一切有部說約位緣生即是遠續連續亦亦經部宗者無約位說約遠續者謂無明與明相違是心所法發行之因行者所發起業福及非福不動等業識者由業引令識生名色者胎中五蘊六處者眼等根生觸者根境識三和合了別是心所法受者由彼所生苦樂捨等愛者貪著樂境取者尋求彼境有者由彼發起成當生業生者由業相續結生老死者令生彼生究竟轉死連續亦亦 約利那者謂由一利那十二有支緣生具足由貪行殺癡謂無明斷命即行於諸境事了別名識五蘊同俱總稱名色住名色根說名六處根境識三和合有觸曰觸為受貪即是愛與此相應諸纏名取所起身語二業名有如是諸法集起名生熱變名老滅壞名死 約三際者謂無明與行屬過去攝名曰因支識等五支屬現在攝名曰果支愛取有三屬現在攝名曰未來因支生老死二支屬未來攝名曰果支過去二支現在八支未來二支故十二支約兩重因果者有二一前際二後際前際者謂無明是惑行即是業彼二因支由彼所生識等五支即是果支一重因果現在愛取二支是惑有即是業三當來因由彼所生當生老死即是果支一重因果如是十二有支兩重因果 約三惑者謂無明愛取三即是惑

行有二即是業謂之集諦識等七支即是苦謂之苦諦是順緣生逆緣生者無明滅即行滅無明滅則了無我智即是道諦若無明滅生因行滅引業滅故識等五支滅由是滅故起發後業愛取等滅由是滅故生老死等皆悉亦滅即是滅諦說四諦已器情緣生及四諦等皆五法攝一色法二心法三心所法四不相應法五無為法一色法者即是色蘊五根五境無表色等十一法言五根者謂眼根極微如香菱花居眼星上傍布而住耳根極微如捲棒皮居耳穴內鼻根極微如雙爪甲居鼻額內舌根極微形如半月布在舌上身根極微亦如身量從頂至足遍在身根根是塵故不能緣境言五境者色謂眼緣之境有其二種一顯色二形色顯色者有其四種青黃赤白形色者有十六種長短方圓高下正不正光影明暗雲煙塵霧等二十數聲謂耳緣之境有其二種一有執因如語等二無執因如鼓聲等有記無記各二為四此復可意及不可意差別成六香謂鼻緣之境有其四種一好香二惡香等不等故差別成四味謂舌緣之境有其六種甘酸苦辛鹹淡觸謂身緣之境因觸四大果觸滑澀重輕冷熱飢渴等言無表色者謂律儀不律儀俱相違色此是色蘊二心法者有六謂眼耳鼻舌身意識六即是識蘊三心所有法者有四十六一大地法者有十種受謂領納想謂令心執境思謂令心運動作意謂令心緣境勝解謂令心於境印可即是令心於所緣境無怯弱義欲謂希求觸謂和合了境慧謂揀擇念謂令

心於境明記不忘定謂令心專注一境如是十種遍一切心名大地法二大善地法者有十信謂令心於境澄淨不放逸謂恒習善法守護心性輕安謂心堪任性捨謂令心平等慚謂於諸功德及有德者恭敬而住愧謂於罪見怖無貪謂不着有漏無嗔謂於諸有情不樂損害不害謂憐愍有情無損惱謂於善令心勇悍如是十種徧諸善心名大善地法三大煩惱地法者有六種癡謂愚癡即是無明無智無顯逸謂放逸不修諸善急謂懈怠心不勇悍不信謂心不澄淨惰沉謂身心相續無堪任性是味重義掉舉謂心不寂靜如是六種徧煩惱心名大煩惱地法四大不善地法者有二種一者無慚謂於諸功德及有德者令心不敬二者無愧謂於諸罪中不見怖畏如是二種徧不善心名大不善地法五小煩惱地法者有十種忿謂令心憤發恨謂於忿所緣事中數數尋思結怨不捨謂謂心曲誑謂惑化嫉謂不忍他德惱謂堅執諸罪由此不受如理諫誨覆謂隱藏自罪慳謂於己法財令心怯惜憍謂染著自身所有色力種族等事令心傲逸害謂於他能作逼迫如是十種唯修所斷徧意識地名小煩惱地法六不定法者有八種尋謂令心於境鹿轉為相伺謂令心於境細轉為相惡作謂惡所作業是追悔義睡眠謂不能任持身心相續令心味略嗔謂令心於有情等樂為損害貪謂愛著有漏慢謂令心恃舉疑謂令心猶豫如是八種於前諸地無有定故名曰不定對法集論并五蘊論說十一善內了知四諦

名曰無癡隨煩惱中執不淨為淨染污作意勝解名非理作意邪勝解根本煩惱內於諸諦理顛倒推度染污慧分名不正知隨煩惱內於諸所緣不能明記染污念分名曰失念於諸所緣令心流蕩染污定分名曰散亂對法藏論無如是說以上心所除受想二皆行慈攝心所法竟不相應行者有十四種謂有情相續律儀相應有別物曰得與彼律儀不相應有別物曰不得諸有情類同作事業曰眾同分若生無想有情天中有法能令心心所滅是實有物名曰無想果復有別法能令心心所滅名曰無想定無想者定名或定無想名無想定如下所說聖者相續想受等滅是實有物名滅盡定有情始生住未死間名曰命根先無今有曰生令暫時住曰住轉變曰老變壞曰無常即有為四相能詮自體謂曰名身詮義究竟謂曰身是二所依謂曰文身等十四法又義攝內破和合眾曰不和合所造業果於自成熟猶如負債終不唐捐物等亦繫不相應行一切有部色心所三有別物經部師說是彼三法假說分位除彼受想四十有六心所有法及不相應名曰行蘊無為法者至下當知如是色法即名十界除無表色是眼等十心法七界謂六識及意根界若說處時是彼七法一意處攝心所有法不相應法無為法無表色等總名法界亦名法處如是所說所知五法五蘊并十二處及十八界

道法品第三

復次道者謂彼少欲知足具種性者身心遠

離種種群雜住近事戒等應當勤聞若廣聞已思所聞義思已應修謂當修止觀多貪修不淨觀多嗔修慈悲觀多癡修分別緣生觀多我修分別界觀多散亂修數息觀止觀成已修勝解故如法了解內外身身念住如法了解苦樂捨等名受念住如法了解六識心法名心念住如法了解想行無為名法念住修此四法是智資糧道集資糧已 修加行道煖位之中已生惡令斷未生惡令不生已生善令增長未生善令生如是四法名四正勤政取頂位之中欲善法定勤樂善定作意善心定揀擇善定如是名四神足忍位之中行世正見澄淨名信樂修善法曰進明記不忘曰念專注一境曰定知取捨法曰慧修此五法能生善法故曰五根世第一位中修信進念定慧等五能破相違故曰五力此是加行道見道位中了知四諦名曰正見正語發起名正思惟如法正說名曰正語捨不善業名曰正業棄捨邪命名曰正命希求善法名正精進明記不忘名曰正念專注一境名曰正定如是八法名八聖道支此是見道見道所斷分別煩惱及得相平等謂欲界苦諦貪嗔慢無明疑有身見邊執見戒禁取見見取邪見集滅二諦各除三見七十四道諦所斷除上二見欲界四諦共三十二色界四諦各各除嗔共二十八無色亦然如是三界見道所斷八十有八 修道位中明記善法名念覺支揀擇取捨名慧覺支希求精進名勤覺支證無漏喜名喜覺支身心任性名輕安覺支不為世法所牽無着無礙名捨覺支令

心住境名定覺支修此七支名曰修道修道所斷俱生煩惱得相無記有漏善等欲界之中貪嗔癡無明四各具九品共三十六色界之中第一靜慮除嗔餘三各各九品成二十七如是二三四靜慮亦亦色界總有一百八數無色界亦然如是三界修道所斷總有一百五十二數 次證十無學法者謂正見正思惟正語正業正命正進正念正定正解脫正解脫知見是無學道 果法品第四 復次果者如上所說三十七品善提分法為自解脫輪迴發心利根極速三生證阿羅漢 一生修順解脫分善名資糧道二生修順決擇分善名加行道三生亦如沙門證第四果鈍根懶墮即不定故如沙門者向預流等四者名果向預流者加行道前情器所攝皆苦自性即是苦諦復次彼因業及煩惱是名集諦令彼解脫即是滅諦復次彼因即是道諦修習純熟由彼次第證見道時初觀苦諦四法性者轉變名無常三苦名苦實有與我非一蘊故名空實有與我別故名無我現證四智次觀集諦四法性者如種苦理故因等現苦理故集相續苦理故生隨順苦理故緣現證四智次觀滅諦四法性者苦因滅故滅苦果息故靜超有漏故妙脫輪迴離現證四智次觀道諦四法性者通行義故道契正理故如修無念智故行現證三智此十五者名初果向第十六者以彼道諦永超諸有故出現證一智此等十六是住初果已證四諦十六行相修習純熟欲界修道所斷九品煩惱之

中斷前五品即一來向斷第六品即一來果彼一來者復來欲界受一生故下三品者欲界之中一生斷故現證行相修習純熟斷七八品名不還向斷第九品名不還果彼不還者斷盡欲界一切煩惱必不還來欲界生故現證上界諸地行相修習純熟四靜慮四無色各九煩惱斷初靜慮一品為始至斷有頂八品為終名阿羅漢向斷第九品名阿羅漢果彼阿羅漢者三界煩惱盡無餘名阿羅漢經云乾慧地等八者聲聞資糧道即乾慧地欲愛枯乾根境不偶是所修善名乾慧地種性地者即加行道必不成佛定成聲聞獨覺種性名種性地八人地者是初果向至阿羅漢果名八人地具見地者是住初果四諦行相現證見故名具見地薄地者是一來果欲界煩惱多分斷故名曰薄地離欲地者是不還果離欲界中貪欲等故名離欲地已辨地者即阿羅漢苦已知集已斷滅已證道已修名已辨地聲聞地者即不來不還阿羅漢三名聲聞地辟支佛地者如上所說三十七品善提分法唯自一人欲證菩提如是發心修百大劫以最後身生無佛世不假師教成證獨覺此有二種一麟角二部行麟角喻者唯一而居具聖德行部行類者與眾群居 究竟正覺者如上所說三十七品善提分法為諸有情而成佛故發起大悲勝菩提心奉侍諸佛悉令歡喜利益他故行六度行三無數劫究竟成佛者釋迦如來昔為陶師名曰大光明於大釋迦如來之處始初發心至初無數劫奉侍七萬五千佛其最後佛名曰寶

釋第二無數劫奉侍七萬六千佛其最後佛名曰燃燈第三無數劫奉侍七萬七千佛其最後佛名曰勝觀其六度者以大悲心於諸有情所有資具悉皆惠施為普度太子時施波羅密究竟圓滿未離貪欲被折肢躰心無少志為忍辱仙時忍戒二行究竟圓滿為漢羅門子時視底沙佛住火界定忘下一足經七晝夜旋遠讚曰

天地此界多聞室 逝宮天處十方無

丈夫牛王大沙門 尋地山林徧無等

如是讚已便超九劫進波羅密究竟圓滿處圓滿處金剛座初夜分時降諸群魔後夜分

時金剛喻定定慧二行究竟圓滿如是處金剛座降魔之前三無數劫修福智足奉侍諸佛六度雖圓即昇生身坐金剛座證見修道成等正覺聲聞乘中因時不說了知諸法無我空悲施行三輪體空十地行相果時不說報身及四智等 正覺法者六種所攝謂身智斷利他大悲德具足等 身者有二一者色身二者法身色身者具三十二相八十種好即自性身度乾闥婆及苾芻伽故示現乾闥婆王及轉輪聖王即化身 然諸佛等種性身量壽命國土及根機等有種種異二法身者有十無學法諸佛等同 智者有二一者者徧智二者正智徧智者謂了盡界處因果體性故曰徧智二正智者謂知四諦中無常等法故曰正智 斷者有二一斷煩惱障二斷所知障斷煩惱障者謂對治貪等根本煩惱及隨煩惱令斷滅故二斷所知障謂對治能障境時自性無知之法令斷滅故 利他

者有二一者於諸有情安置解脫棄捨相違令住於道二者於諸有情安置善趣棄捨於惡令住於善大悲及德次下當說諸聖者等共功德者有十一種謂無諍願智四無礙解六通四靜慮四無色四無量八解脫十勝處八徧處三等持等 無諍者謂依第四靜慮

心願諸有情勿緣己身生諸煩惱思惟等持故名無諍 願智者謂依第四靜慮心以願為先引如智起如願了知故名願智 四無礙解者一法無礙解知諸法名故二義無礙解正知義故三詞無礙解正知言詞故四辯才無礙解正知正理故名四無礙解 六通者一神通遊行石壁等無礙故天耳通若近若遠諸異音聲皆了知故三天眼通能隨所應取被障隔極細遠等諸方色故四他心通能知他心有無欲故五宿住通知自及他宿世事故六漏盡通知世出世一切道故前

五有漏依第四靜慮第六無漏依第九故 四靜慮者初靜慮具有五支一尋二伺三喜四樂五等持二靜慮中具有四支一內等淨二喜三樂四等持三靜慮中具有五支一行捨二正念三正惠四受樂五等持四靜慮中具有四支一行捨清淨二念清淨三非苦樂受四等持 四無色者修加行時思無邊空及無邊識無所有故以正定時除色依餘四聖第四名者由想昧劣謂無明勝得非想名有味劣想名非非想如是次第空無邊處識無邊處無所有處非非非想處各四無色若加減盡定亦名九次第定 四無量者謂慈悲喜捨四中初二無嗔為體喜即喜受捨

即無貪所緣境者欲界有情所有嗔害及有欣慰欲貪嗔等如次對治 八解脫者依初二靜慮一內有色想觀諸外色解脫不淨想轉作青淡想以色觀色二內無色想觀諸外色解脫內無色觀三依後靜慮淨解脫身所證具足住觀一切色作淨光輝如是三種及

四無色定為次四解脫滅受想定為第八解脫依有頂心諸聖者等厭離受想以寂靜定滅心心所名滅盡定 十徧處者謂周徧觀察地水火風青黃赤白及空與識二無邊處依第四靜慮緣欲可見色於地等處周徧觀察無有間隙十中前八無貪為體後二如次

空識無色為其自性 八勝處者一內有色想觀外色少二內有色想觀外色多三內無色想觀外色少四內無色想觀外色多內無色想觀外色青黃赤白為四足前成八中初二如初解脫次二如次解脫後四如第三解脫若尔八勝處與三解脫何殊答前修解脫唯能棄背此修勝處能制所緣隨所樂欲而終不起修解脫等一為諸惑已斷更遠二為於定得勝自在故能引起無諍等德及勝神通由此便能轉變諸事起留捨等種種作因故 三三摩地者謂空無相無願空 三摩地者謂空非我二種行相相應等持無相三摩地者謂緣滅諦四種行相相應等持涅槃無相離十相故名曰無相能緣彼定得無相名無願三摩地者謂緣餘諦十種行相相應等持非常苦因可厭患故道如船筏必應捨故能緣彼定得無願名皆為超過現所對故此等功德俱解脫阿羅漢辟支佛如來共

故名共功德慧解脫者無三等持及四無量故 如來不共功德者有十八種謂十力四無所畏三念住及一大悲 十力者一處非處智力二諸業異熟智力三靜慮解脫等持等至智力四根上下智力五種種勝解智力六種種界智力七徧趣行智力八宿住隨念智力九生死智十漏盡智力 四無所畏者一正等覺無畏二漏盡無畏三說障無畏四說道無畏由有智力於他不懼故名無畏 言三念住者謂如來說法諸弟子等一向恭敬能正受行如來緣之不生歡喜捨而安住正念正知是謂如來第一念住諸弟子亦惟不恭敬不正受行如來緣之不生憂感捨而安住正念正知是謂如來第二念住諸弟子眾一類恭敬能正受行一類不敬不正受行如來緣之不生歡感捨而安住正念正知是謂如來第三念住此三皆用念慧為體故名念住大悲者於諸世間晝夜六時觀察世間苦執樂執應調伏隨應利樂故名大悲大乘所說如來十八不共法三不護等彼聲聞乘未曾聞故

無為法品第五

復次無為法者有三種一虛空二擇滅三非擇滅謂虛空無為者虛空但有無礙為性由無障礙遍一切處各處虛空無為色於中行其餘所有門窓竅隙所有明暗等空及阿伽色等皆非無為二擇滅無為者謂無漏智斷諸障染見修二道所顯真理名擇滅無為三非擇滅無為者謂能求未求法生得滅異前名非擇滅得不因擇但由闕緣名非擇滅

此三無為一切有卻許有實物經部師說無有造作問真如豈非無為耶答彼即無我以敵聞乘不說法無我故人無我者即無常等十六行相三諦行相即是有為滅諦行相惟擇滅法非餘法故如是器情道果無為所知五者總攝一切所知法故情器之法即是苦諦成彼之因即是集諦道果二法即是道諦擇滅無為即是滅諦虛空非擇二種無為三種非四諦攝苦集二諦有漏法故道滅二諦無漏法故如是所說世出世間有為無為所知法已

種相當具足 敬智皇太子

數數求請故 慧幢吉祥賢

念住日藏論 起世對法等

依彼造此論 有情所知輪

機宜有無邊 纂略列為五

謂器情道果 并無為法等

故今明開示 罔罔曉解者

惟茲彰所知 解已復示他

此論文句等 垂義懈息過

智者并啓請 惟願垂忍納

祈生諸善根 周徧虛空界

我共諸衆生 願證無上果

彰所知論者為

菩薩

真金皇太子求請故

法王上師薩思迦大班彌達足塵頂授比丘

發思巴慧幢吉祥賢者壬寅仲秋下旬有

三思宿直日於大吉祥薩思迦法席集竟

持經律論妙音并智獅子筆授

彰所知論卷下

大經云森羅及萬像一法之所印重重交光歷歷齊現非法界之現量歎彰所知論者過

先皇裕宗皇帝聖明觀照神智明鑒慈邪見之術感傷正塗之壅底勸請

帝師法王利樂有情故闡揚至覺真理原始要終修習次第之大旨也弘而密奧而典古錦純金隨器受用義攝為五至當歸一所言情器世界者非若夫群言摸象之異執或言一氣或曰自然直指心造詳明劫初羅籠八極之外剖析隣虛之內如像臨鏡如指在掌言道法者以少欲知足聞思修慧三十七善提分為其因言果法者以資糧加行見道修習無學為其果言無為者四聖諦中之滅諦理也由其五法總攝一切所知法故故曰彰所知論真智靈知豈見聞覺知之謂乎深入緣起窮法實相蓋依念慮日藏起世對法相應之義而錯綜其宏綱也然則他化天王通力觀世界微塵數之兩滴猶目觀所受用物聲聞起神用觀三千大千世界如掌中菴摩羅果况正徧知之妙用其孰能語於此盛矣優曇瑞世天開玉曆之期像教中興時際金輪之治欽惟

聖制云

皇天之下一人之上西天佛子大元帝師聖

蒙賜玉龍濯彌隆其尊師重道為萬世帝

王之彝典也行宣政院同知廉公正奉風

承授記深樂佛乘一日以江浙總統沙羅

巴大師所譯彰所知論傳之前松江府僧錄管主八大師師續雕大藏聖教偶其時忻獲至寶錄梓隨函屬余序其後辭不獲免輒述教起之由致至於發揚聖教之碎美則備于公之本序云昔大元大德丙午十月既望江西前吉州路官講報恩寺講經釋克已序

彰所知論卷下

校勘記

- 一 底本，影印宋磧砂藏本。
- 一 二四頁上一行與二行之間，徑、清有「元帝師登合思巴造」、「宣授江淮福建等處釋教總統法性三藏弘教佛智大師沙羅巴譯」各一行。
- 一 二四頁中二五行第四字「藍」下夾註左「疑滑」，南、徑、清作「凝滑」。
- 一 二七頁上二四行「智者」，清作「正智者」。
- 一 二七頁中四行首字「共」，徑、清作「言」。
- 一 二七頁中五行「勝處」，徑、清作「徧處」。
- 一 二七頁中六行「徧處」，徑、清作「勝處」。
- 一 二八頁上七行第六字「智」，徑、清作「智力」。
- 一 二八頁上末行第一二字「闕」，南、徑、清作「闕」。
- 一 二八頁下五行「明鑒」，徑、清作「睿鑒」。
- 一 二九頁上四行末字「碎」，南、徑、清作「粹」。
- 一 二九頁上六行「大元」，徑、清無。